



方正

平勃之誅諸呂倖也吾取王安國安玄之破符  
墜倖也吾取桓宣穆

將吏卒入丞相魏相府召夫人跪責殺婢事者  
趙廣漢也率吏卒入太尉龐參府案其夫人殺  
前妻子者祝良也俱坐辱宰相下獄吏民守闕  
請代者俱萬人是事漢以下不可得也

管寧與華歆同席歆窺乘軒過門者而寧割  
而坐也劉璉與孔澈同舟澈觀岸上女子而璉

舉席自隔也

漢武令巫詛仲舒巫者忽死唐太宗令僧呪伊  
奕僧亦反死邪不勝正也

西門豹治鄴巫為河伯娶婦豹投巫及三老子  
河而其風遂止宋均治九江巫為唐后二山取  
公姬均令娶皆巫家而其事遂絕二子之息妖  
崇等也

狄道有董卓祠唐高適始議毀之蔡州有吳元  
濟祠宋王濟始議毀之二子則卓識矣二賊之

初得祠也何居魏蘭根亦嘗言董卓不宜遺祠  
請伐其祠栢

魏辛毗不附劉放孫資子啟諫之毗曰吾之立  
身自有本末就與不平不過不作三公而已陳

蕭引不附李善度蔡脫兒族子密諫之引曰吾  
之立身自有本末就令不平不過解職耳

司馬朗十二試明經童子郎或疑匿年曰損年  
求成非所為也寇準十九舉進士或勸增年以  
吾方進取可欺君耶今薦紳無不以易年數矣

吳兢撰武后實錄直書張昌宗誘張說事說為相以情求改不從也孔至撰百家類例以張說為近代新門說子駙馬均求改不得也說父子宰相尚主之貴不能撓直筆可畏哉

齊高祖宴群臣褚淵彈琵琶王僧虔柳世隆彈琴沈文季歌子夜張敬兒舞王敬則拍而王儉獨誦封禪書唐中宗宴群臣張錫為談客娘舞宗晉卿舞渾脫張洽舞黃傘杜元琰誦婆羅門呪李行言唱駕車西河盧藏用效道士上章而

郭山暉獨誦古詩兩篇

夜拒闕不內帝者郅暉于光武張耀于文宣謝莊于孝武

管寧常坐一榻當膝處皆穿向相常坐板床有膝踝足指之處蕭藻獨處一室床有膝痕張無垢窓下石有雙足迹

漢霍光唐魏元忠皆立朝進止有常不失尺寸蘇端明寢卧就枕不復翻動至于終父劉元已暗室端坐畧無歌欠至于終

魏華歆號獨坐周裴俠號獨三使君

元祐奸黨碑不忍刻司馬公名者石工安民也  
不忍刻蘇黃名者碑工李仲寧也士大夫能無  
厚顏

恥不與黨人知有皇甫規而不知有景毅于李  
膺

雅量

羽不聽范增殺季也操不聽程昱殺備也堅不  
聽王猛殺垂也有度哉

丙吉不問吐茵之吏張安世不罪醉便之郎劉  
寬不怒翻羹之婢梁安成王秀不誚覆飯之厨  
人韓琦不易燎鬚之卒

家童耗米以雀鼠對而笑曰壯哉雀鼠竟不問  
者張率也奴亡銀盃以叵測對而笑曰銀盃羽  
化竟不詰者柳公權也楊用脩考公權竊銀盃  
之奴名海鷗亦異聞云

隋張文詡為醫者刀所傷遂至伏枕醫者叩頭  
文詡遣之妻問之曰吾落坑所致耳唐歸登為

金石藥所傷幾死人皆為怒而登下愠也

唐臨吊喪家僮忘持白衫臨覺之曰今日氣逆不宜哀泣後煮藥不精曰今日陰晦不宜服藥王旦家人嘗投埃墨羹中旦曰今日偶不喜肉後又墨其飯旦曰今日不喜飯相度固如此汲長孺以布被事廷詰公孫弘弘謝曰有之唐介以金錦事廷責文彥博彥博拜謝不已二子品不同其得大臣躰一也魏崔暹為瀛州刺史單騎至村汲水婦人詈以

癩兒刺史而暹不怒也唐楊再思為相水沔閉坊門車陷于濘者詈以癡宰相而再思不責也二子小人哉然而有度

### 清脩

范丹候姊姊飯之留百錢而去郝子廉過姊家飯留十五錢而去清而過者也

劉寵去會稽老叟持百錢以送寵為受一錢彭城王浹去滄州老叟具饌以餞浹為食一口留犢者時苗也王遜也羊篇也

魏裴潛在官作一胡床及去官以拄柱宋江秉  
之在官作一書案及去官以付庫  
陸績自鬱林歸舟取石為重江革自會稽還舟  
取石為實

顧協為廷尉正冬服單薄蔡子度欲解襦與之  
憚其清嚴不敢發以李廙為尚書左丞門簾甚  
弊劉晏製簾贈之三携至門不敢發言士大夫  
以芑苴及門為羞殆謂是哉

楊震所舉茂才王密夜懷金遺震曰無知者震  
竟却之褚淵為吏部尚書人袖金賂之曰無知  
者淵竟撓之

人以硯獻孫之翰曰呵之水流之翰曰日呵一  
擔水僅直三錢人以鑑獻王文穆曰照二百里  
文穆曰面不過碟大安用照二百里不貴異物  
二公有焉  
異人欲授以化金方而不受者楊偕也竇舜卿  
也不受其方併不受其所遺金者范仲淹也胡  
宿也清而哲哉

堊逆旅人而埋其金者王純也陳翼也鮑子都也李勉也不負鬼神者乎

桓礮客揚州從事室中從者皆祇其志橘樹實熟落地以繩繫之枝也許衡客姚樞齋中童子皆肅其化果熟墮地亦不睨視也

裴昭明曰一身之外亦復何需子孫不才我聚彼散若能自立不如一經柳世隆曰一身之外亦復何須子孫不才將為爭府如其才也不如一經達者之言固自巧合

晉王述初令宛陵受贈遺脩家具後屢居州郡清潔絕倫梁謝覽初在新安頗聚欵及為吳興守人稱廉潔

政事

景差相鄭下陪乘以載涉者與子產乘輿濟人事相類

樊曄為天水太守道不拾遺行旅夜聚衣裝於道傍曰以付樊公王渙為溫令商人露宿有放牛者曰以屬王穉子蘇瓊為清河太守隣郡寄



置財物於其境內曰寄蘇公正猛為晉陵太守  
富商野次曰付王府君猛陳隋間人非景略也

房彥謙為長葛令蕭脩為梁秦二州刺史俱號  
慈父

賈彪為新息長民間生男女以賈為名駱俊為  
陳相民間生男女以駱為名鄭渾為邵陵令民  
間生男女多以鄭為字俞偉在閩民間生男女  
多以俞為姓  
我有子弟子產誨之我有田疇子產殖之鄭人

誨僑也我有田疇爰父殖置我有子弟爰父教  
誨漢人誦珍也

大馮君小馮君漢人誦立與野王也大鄭公小  
鄭公齊人誦道昭與述祖也一兄弟一父子事  
絕相似

王尊為東郡太守河溢浸隄尊沈白馬祀水神  
請以身填隄水至不退而水為之却蕭始興憺  
為荊州刺史江溢壞隄憺刑白馬祭江神以身  
為百姓請命水至不去而水亦為之却

孟嘗之官去珠復還殷鈞在境山瘡遂絕褚翔  
為政枯樹生枝房豹去郡甘井復鹹孫謙解任  
猛虎旋出

虎避其境者劉昆宋均法雄庾黔婁孫謙

梁長沙王業刺湘州二猛獸自死桂陽王象刺  
湘州四猛獸自死業象皆宣武王懿子也元許  
維禎判淮安有二虎一去一死

蝗不入境者卓茂之密魯恭之中牟戴封之西  
華宋均之九江劉虞之博平

民訴盜割牛舌令殺牛貨之而盜逐出者張詠  
也邑極也穆衍也

潁川有長婦弟婦爭兒黃霸令抱兒去兩婦十  
步叱自取長婦持之急兒大啼弟婦恐傷兒因  
放與而心懷愴霸曰此弟婦子也壽春有哥泰  
趙奉伯爭兒李崇置兒他處詭言兒死泰叱號  
不勝奉伯咨嗟而已崇乃以兒還泰

兩人爭牛于仲文令人微傷牛而一噬腕一自  
若兩人爭絹范劭令各分一半而一喜一愠遂

得其情

李惠為雍州刺史有負鹽負薪者爭羊皮惠杖羊皮見有鹽屑乃罪負薪者傅琰為山陰令有賣鍼賣糖者爭團絲琰鞭絲見有鐵屑乃罪賣糖者平章游顯為明州分省有銀店與隣爭蒲團顯杖蒲團見有銀星乃罪其隣盜劫害人賈彪不案而案婦人殺子者盜殺財主陳寔不問而問在草不治子者便宜焚倉粟振貧民萬餘家汲長孺也便宜焚

布粟振貧者五百人王慈卿也

杜初公帥并時吏請家諱公曰惟諱枉法賊已孝肅尹京時吏請家諱公曰惟諱吏有賊惡

孝誼

華寶以不及父在而冠遂終身不冠元德秀以不及親在而娶遂終身不娶難矣豈所謂孝之達乎

申鳴援柩進戰賊殺其父已而自殺趙苞援柩進戰賊殺其母已而自殺忠矣孝猶未也

卞莊子三戰三北管夷吾三戰三走皆以老母故也令人知有管仲事而已

王睢陵何穎昌李令伯皆以孝稱而皆仕晉移忠謂何

為養親而埋子者河內郭巨會稽郭世通

扇枕溫席者黃香王延

曾子母嚙指而心動蔡順亦然子產母病而心痛宗元卿祖母病而心痛余齊人父病而肉痛庾黔婁父病裴訥之阮孝緒宇文憲司馬池母

病而心驚裴敬彝父病而心痛臧盾母亡而指痛劉璠母疾而身痛

讀詩而廢蓼莪者王偉元顧景怡

張敷母亡得母一扇每開筭流涕張譏母亡得母彩錯經帕每對之哽噎不勝

古初父喪未葬隣人失火伏棺扞火火為之滅

蔡順母喪未葬里中火逼伏棺號哭火亦為滅

若火逼而伏棺不去隣人捄免者有倚琰徐晉

濟

鳥啣土成墳者顏鳥也張元也獸啣土成墳者徐仲原也

鹿犯其墓松泣而鹿死樹下者許攸也鹿犯其墓栢泣而鹿不復觸者褚無量也

其親畏雷每聞雷則伏墓而泣者蔡順也王裒也竺彌也趙善應也

姜詩舍側躍鯉陸政宅後生魚王祥及崔志女皆卧冰得魚王延冰間得魚查道冰間得鱖高登龐遵皆舟中躍魚胡光遠獺為獻魚孝神于

### 感哉

孝感所得者有顏含之蛇膽劉殷之董滕曇恭之瓜陸襄之粟漿解仲恭之藤蕭獻明之石函梁彥光之石王薦之瓜陽霖之冰陶侃丁母憂有雙鶴未吊庾域母好鶴唳有雙鶴未下

晉王祥字休徵周劉祥事嫡母以孝聞其伯父名之曰祥字休徵陳蔡覽事繼母以孝聞其父名之曰徵字希祥一事甚類

義俠

侯生以朱亥進信陵而自刎也懼魏王之誅也  
田先生以荊卿進燕丹而自刎也欲不與其成  
敗也並非漫死

吳全柔使子琮齎米數千斛到吳琮散以賑贍  
空船而返宋范仲淹使子克夫運麥五百斛過  
丹陽克夫盡以助喪車騎至家

韓魏公在延安刺客夜入授之首而不取也張  
魏公在秀州刺客夜入授之首而不取也又鉏

麁釋趙盾梁刺客釋袁盎隗囂刺客楊賢釋杜  
林劉平刺客釋昭烈萇從簡刺客釋富翁其人  
豈但刺客乎

市偷為子彘竊齊將軍之簪紅線為薛嵩竊田  
承嗣之金合

田橫不從漢高與其徒五百人入海島橫死五  
百人皆自殺盧曹不從神武與其徒五百人入  
海島曹死五百人皆服斬衰可謂能得士矣俱  
不能有為何也

衛青之客獨一任安主父之客獨一孔車  
白公之難莊善赴之比至公門三廢車中僕曰  
子懼矣何不返曰懼者私也死義公也遂刎頸  
而死崔杼之難陳不占赴之上車失軾御者曰  
怯如是去有益乎曰死君義也無勇私也遂震  
駭而死

程嬰存趙武王成存李燮李善存李續汲固存  
李憲義哉善起蒼頭歷官有聲尤異矣  
為人殺負心僕者張詠也柳開也開殺其人而

烹之召同舍共啖大似虬髯客

德化

李宗侃孝衡感李尼之言以爭田為間田張倪  
吳慶感王志之惠以爭田為間田文王之化虞  
芮寧異哉

耿秉卒匈奴梨面流血鄧訓卒羗胡以刀割面  
倉慈死西域以刀畫面魏清河王懌卒夷人劈  
面者數百人

齊樂預為永世令卒有一媪年可七十擔榘藪

葉造市貨之聞預亡大泣棄溪中曰失樂令我  
輩政應死耳梁蕭昱為晉陵大守卒有女人夏  
氏年百餘歲扶曾孫出郡哭泣不勝  
淳于恭自蠶以教兄子繆彤自搗以悟家人長  
孫儉自杖以化縣令若蘇世長自撻喻邑里伍  
伯疾之鞭之流血不勝痛而走適貽笑耳  
漢王烈時有不善者恐王彥方知周柳靖時有  
不善者恐柳德廣知

神字

澹臺子羽齎千金文壁渡河陽戾波起兩蛇夾  
舟子羽曰吾可以義求不可以威劫操劍斬蛇  
而波休荆欤非得寶劍渡江陽戾波起兩蛟夾  
船欤非曰吾可以仁義之禮說不可劫而奪也  
刺較斷頭而波除又王閔拔劍斫水罵伍胥而  
風濤得濟  
夏侯玄倚柱讀書雷破柱而色不變諸葛誕倚  
柱讀書雷震柱而誕自若滕放枕文石枕臥雷  
破枕而放自如



王子敬室嘗焚火神色恬然徐喚左右扶憑而出褚彥回宅嘗失火神色怡然徐索輿而去劉文饒夫人欲試公令恚伺當朝會使侍婢奉肉羹翻汚朝衣公神色不異徐曰羹爛爾手呂文靖夫人欲試四子使小鬟擊四寶器貯茶而往故跌碎之三子皆失聲走告獨公著凝然不動裴行儉為吏碎碼碯盤而咲自若也韓琦為吏碎玉杯而色不變也墮甌不顧不足言矣

軍中夜驚而墜卧不起者周亞夫也田豫也楊公則也

項羽伏弩射中漢王傷胸乃捫足曰虜中吾指東昏縱神鋒弩射楊公則矢貫胡床左右失色公則曰幾中吾脚談笑如初

趙孝從長安還亭長洒埽待之孝既至長不肯納不自名而去劉寵出京師亭吏洒埽待之寵既至吏不肯納寵無言而去

吳顧雍拜侯還而家人不知也唐孫伏伽拜御

史還而子弟不知也後聞之而驚子文之仕無喜色未足稱矣

唐韓滉五代李昇暑不執扇

楚莊王賜宴燭滅有引美人衣者美人絕纓以告王曰柰何顯婦人之節而辱士乎命皆絕纓而後上火王韶出姬宴客客醉挽姬姬泣以告韶曰本出汝曹娛客而今失權如此命浮白罰之

### 志願

韓淮陰壅母行營高敞地令其旁可置高家王益州起宅門前路廣數十步欲使容長戟幡旗宋孔寯子脩宅令門可容高蓋

錢王鏐司馬君實皆為警枕志可知矣

傅介子棄觚而嘆竟以斬樓蘭侯也班超投筆而嘆竟以定西域侯也古人不徒為大言如此終軍入關棄符曰大丈夫西游終不復還郭丹入關封符曰吾不乘使者車終不出關卒皆如

言

王敦每歌烈士暮年壯心未已以如意擊唾壺也張文詡每誦老冉冉而將至恐脩名之不立以如意擊几也又蕭登每歌烈士暮年之句輒盱衡扼腕宋王華閉居常誦登樓賦曰冀王道之一平假高衢而騁力

文學

顧凱之手植嘉樹于吏部庭而憲之果為此職王祐手植三槐于庭而旦果為三公

何法盛竊郗紹晉中興書郭象竊向秀莊子註之問殺希夷而有其佳句齊丘沈譚峭而有其化書何二宋一睽也文章殃身甚于懷璧却卿曲托于李奇士季論托于嗣宗慶虬賦托于相如曹同論托于子建

漢劉熙作釋名吳常昭作辨釋名漢劉向作說苑唐劉貺作續說苑

揚雄作反騷皮日休作反招魂

著錢神論者魯褒綦毋氏成公綏也著錢愚論者蕭綜也著吳越春秋者漢趙晁晉楊方也

以史記為謬而作古史考譙周也以周為謬而  
證其不當者百二十二事司馬彪也以國語為  
非而作非國語柳宗元也以宗元為非而作非  
非國語虞槃也

王仲任著論衡戶牖墻壁各置刀筆左太冲賦  
三都門庭藩溷皆著紙筆

左太冲三都庾仲初揚都皆令紙貴  
援筆賦鸚鵡文不加點者禰衡也杜正玄也今  
人但知衡事

揚子雲作法言蜀賈人賈十萬錢頭載子書不  
聽也裴均子以萬緡求帝貫之銘不屑也穆伯  
長作廟記毫豪士遺五百金求載名不許也南  
昌富人奉鈔五百求虞伯生銘不從也近世文  
士賈人進十金即諛墓矣

宣尼悲獲麟西狩泣孔丘劉越石詩也雖好相  
如達不同長卿慢謝惠連詩也游雅亦曰人自  
棄伯度我自敬黃頭沈休文亦曰胡廣累世農  
夫伯始致位公相黃憲牛醫之子叔度名動京

師名字互用令人必為咲端

王元長謂劉孝綽天下文章若無我當歸阿士  
丘靈鞠謂王令文章大進何如我未進時杜必  
簡謂宋延清我在父壓公等文士誇誕余實無  
取

范曄之香序卞彬之禽獸決錄以文章為雌黃  
浮薄甚矣

婦人長文筆者蔡琰蕭后其著者哉琰沒于虜  
曹操贖之而歸后沒于虜唐滅突厥而歸有才

無行相似

柳下季之妻誅其夫門人不能竄一字呂不韋  
作春秋秦人不敢竄一字德與刑何如哉陸龜  
蒙語也

仲舒夢龍入懷而作繁露揚雄夢吐白鳳而著  
甘泉羅含夢鳥入口而增藻思文章之得神助  
也至弘成子吞文石遂大明悟後又吐出授五  
鹿充宗尤異矣

江淹夢郭璞索其五色筆又夢張景暘索其尺

錦以遺丘遲。紀少瑜夢陸佐公以來青鏤管授  
之文士精英國相禪哉。又夢筆有王彪之王珣  
李白和凝馮定國

沈慶之目不知書侍宴賦詩曰何異張子房也  
曹景宗目不知書侍宴賦詩曰何如霍去病也  
此宿習也

蜀將王平手不能書所識不過十字而口授作  
書皆有意理使人讀史漢記傳聽之備知大義  
魏將楊大眼不學恒遣人讀書聽之悉皆記口

授露布而竟不多識字也周將梁臺識字不多  
而口占書啓詞意可觀

漢高邁沛作大風歌錢鏐倣之作還鄉歌曰三  
節還鄉弓掛錦衣父老遠來相追隨牛斗無字  
人無欺吳越一王駟馬歸雖其氣槩不同而其  
語亦不類唐以下

漢武與羣臣栢梁聯句唐中宗誕日內殿宴群  
臣又蓬萊殿宴吐蕃使凡兩效其體  
以隸事奪何憲五花筆白團扇者王擢也以賦

詩奪東方虬錦袍者宋之問也然摘不受潘啟  
請托書而之問為張易之奉溺器人相遠矣  
嚴畷為吳大帝誦孝經仲尼居張昭更誦君子  
之事上陸澄為齊太祖誦孝經仲尼居王儉更  
誦君子之事上

學海者何休也經苑者任末也書倉者曹魯也  
學府者傅昭也劉顯也經庫者房暉遠也谷那  
律也書厨者陸澄也朱遵度也立地書厨者吳  
時也經笥者任昉也書簾者李善也武庫者杜

預也經神者鄭康成也漢聖者劉臻也皮裏晉  
書者劉諒也行秘書者虞世南也人物志者李  
守素也書淫者皇甫謐也劉峻也

帝載從叔父稜見劉顯顯問漢書十事載隨問  
應無疑滯陸雲公從祖倅與劉顯質問十事雲  
公對無所失何顯之好策事也沈約掌策顯十  
事顯對其九

杜鎬號杜萬卷朱遵度號朱萬卷朱昂號小萬  
卷

識豹文鼠者終軍也竇攸也識鼯鼠者盧若虛也

桓榮讀書十五年不窺園何休十七年不窺門  
劉炫劉焯十年不出戶徐遵明六年不出門董  
仲舒未足異矣

讀書亡羊者臧也王育也

魏樊深據鞍讀書馬蹶墮地折肢宋杜常跨驢  
讀書驢失道觸木傷額  
宋景文手抄文選三過洪景廬手抄資治通鑑

### 三過

李謚初師孔璠數年後璠反就謚請業盧思道  
初不解劉松文後為文示松松不能解

遼述律號天順皇帝南唐賊張遇賢改元永樂  
近時同此二號儒臣失考之過也

### 智術

張丑伍員之出奔也皆以美珠之說誑閔吏而  
得脫

楚恭王阬于陰陵黃衰微舉足蹙之楚公子微



朕過宋其僕操箠罵之周文阮于芒山李穆以  
策擊而罵之又袁覬子昂從沙門逃關吏疑之  
沙門杖之而免王廞子華從沙門逃津邏疑之  
沙門杖之而免此一智數效

周王亡王簪令吏求之三日不得周王令人求  
而得之家人之屋問西門豹佯亡車轄令吏求  
之不得使人求而得之家人之屋問又周王索  
曲杖也亦然于是吏悚懼以為神明也  
商太宰使少庶子之市反而問之曰何見曰南

門之外甚衆牛車于是召市令謂曰市門外何  
多牛屎也韓昭侯使騎于縣反而問之曰何見  
曰南門之外有黃犢食苗于是下令曰牛馬何  
多入人田中也

陳勝置帛書于魚腹王世克係帛書于烏頸皆  
以惑衆舉事

漢陰丈人抱甕灌園子貢教以後重前輕之械  
而丈人曰有機事必有機心也衛五丈夫負缶  
灌韭鄧析教以重後輕前之械而五丈夫曰有

機知之巧必有機知之敗也賜也柝也于是乎失辭矣

渡河而為船人所笑者惠子也西閭過也其戊也故曰不可小知孔子遺秘書曰不知何一男子自稱秦始皇上我堂踞我床顛倒我衣裳至沙丘而亡見論衡又曰後世脩吾書董仲舒護吾車拭吾履葬吾笥會稽鍾離意壁有七張伯藏其一見意別傳然沙丘之讖異苑以為秦時童謠

樗里子豫知渭南章臺東當有天子之宮索靖豫知姑臧城南當起宮殿

倒用司農印召韓旻兵而伐朱泚之謀者段秀實也倒用都統印告諭諸軍而安蜀者李崧也魏武帝遺太史慈以當歸明帝亦令姜維母遺維以當歸驅使草木乃奸雄一伎又餉王不留行及益智粽皆是類也

秦遣士會還晉秦大夫贈之以策曰勿謂秦無人吾謀適不用也吳遣于禁還魏虞翻謂禁曰

勿謂吳無人吾謀適不用也

### 武勇

力能伸鈎索鐵桀也撫梁易柱紂也祇為亡資  
秦武好力竟以舉鼎絕臚死廣陵好勇竟以猛  
獸陷腦死

熊渠見寢石以為虎射之飲羽李廣見草中石  
以為虎射之沒鏃覺而復射俱不復入又李遠  
亦射石沒鏃凡三見  
羿欲射雀左目而誤中右目遂自愧也顏息歌

射人目而誤中其眉遂自稱無勇也學者可自  
恕乎

一矢落雙鷗者長孫晟也高駢也落雙鴈者斛  
律光也落雙鷗者拓拔幹也中雙鳧者賀拔勝  
也落三鳥者范廷召也

閔羽躍馬刺顏良于萬眾中薛安都躍馬刺魯  
爽于萬眾中時以相方

破臂刮骨而割炙引酒言笑自若者閔壯繆也  
開肉鋸骨而言戲自若者長孫子彥也炙艾圍

將二寸十餘處俱下而言咲自若者李洪之也  
鉞面鑿骨出鏃而奏伎進膳不輟者高開道也  
鑿骨出鏃而言咲自若者萇從簡也  
齊神武宋太祖未遇時俱不加銜勒而馭惡馬  
一身是膽者昭烈之嘆趙雲周文之嘆王雅趙  
葵之嘆王景宋也  
齊長沙威王晃便弓馬武帝曰此我之任城也  
梁廬陵威王續善馳射武帝曰此我之任城也

捷悟

禰衡王粲一讀路傍碑即誦之不失一字宋呂  
陶亦覽寺碑書之不繆一字

楊脩與魏武看碑上題字脩一見解魏武行三  
十里乃解蕭穎士與李華陸據讀路傍碑穎士  
一見即誦華再閱據三乃記

劉穆之目覽詞訟手答箋書耳行聽受口並酬  
應不相參涉皆悉瞻舉劉炫左畫圓右畫方口  
誦目數耳聽五事同舉無所遺失

吳闞澤家貧為人傭書所寫畢誦讀亦遍梁王

僧孺傭書養母所寫畢誦讀亦通

裴諏之借常景書十日悉記任孝恭借人書讀一遍諷誦略無所遺張方平借人三史旬日悉記邢子才讀漢書五百盡記吳喜為沈演之寫起居注寫畢成誦又演之失奏本喜一見即寫無所脫漏陸倕借人漢書失五行志暗寫還之宗慤取史傳一卷授樂藹藹略讀具舉吳策就族父家日誦漢書一帙不遺一字又方平聞蘇洵言其子軾再讀漢書驚曰文字尚看兩遍乎

覆棊不差一道者王粲也到溉也高孝瑜也

魏武作府門題活字楊脩曰相國嫌門大耳唐

賈耽鑿井有父老來觀曰近東近西近南近北

耽曰是言吾井大耳

甘羅年十二出奇計拜上卿周泉企年十二豐陽三百人上書請為縣令企治清淨百姓安之

### 名譽

得黃金百不如季布諾得黃金一笥不如為柳伯騫所識皆諺語也

范丹嘗以錢售姊飯姊追送之里中芻藁僮相  
怒曰汝清高豈范史雲耶丹遂棄錢而去韓康  
賣藥長安市口不二價買藥女子怒曰公是韓  
伯休耶康遂逃入山中又諸姬共漂更相呼食  
或不食者曰汝非程謀甫何為不食人食兵人  
作食先熟者呼使食荅者否也曰汝欲作沐德  
信耶斯皆不出閭巷而千里外誦之者乎  
郭林宗遇雨中角折人遂為折角巾獨孤信馳  
馬帽微側詰旦吏民咸側帽王遵業著穿角履

人多毀新履效之王茂弘制練布單衣人競服  
之練遂踊貴謝安石捉蒲葵扇士庶競市價增  
數倍皆以名高移俗也若雲定興為宇文述作  
缺角馬鞮又作袂頭巾深袖耳人競效之裴冕  
豪侈自製巾工甚人競效之則無取矣  
漢以入李膺門為登龍門梁以入袁昂門為登  
龍門以與任昉宴為龍門遊  
刻石而置高山深谷杜預也顏真卿也嘻魯公  
之名何藉于是

棲逸

嚴光不為光武用也蘇雲卿不應張浚命也自料才不能有為而護短也古隱士往而不反皆此意

劫李業以毒酒公孫述也劫辛勉以毒酒劉聰也述竟聽其自裁聰反嘉其貞節兩人所以異成敗也

晉武陵桃源人不知有漢魏也宋順昌山中人但知有熙寧也深山窮谷自有境界世傳仙人

大都此耳

漢四皓者綺季諸人也齊四皓者徐伯珍兄弟也並以隱著魏之作蝸牛廬者焦先也楊沛也

周續之劉遺民陶淵明號三隱阮孝緒劉歊劉訐亦號三隱臧榮緒關康之號二隱

香山九老胡杲吉皎劉真鄭據盧真張渾白居易李元爽僧如滿也至道九老李昉張好問李

運宋琪武允成魏石楊徽之朱昂僧贊寧也

邵康節寒不出暑不出風不出雨不出然唐孔

拯遇坊叟已有此四不出矣

審已

魯君問伐齊于柳下惠惠歸而有憂色曰此言何為至于我哉馮懷問降禮于顏含含退而告人曰我豈有邪德乎

陸玩曰以我為三公是天下為無人鄭縻曰鄭五作宰相時事可知矣

籌敵

薛公為黥布畫三計曰必用下計于謹為蕭繹

畫三策曰必用下策姚樞為李璿畫三策曰必用下策知彼哉

李密畫三計而楊玄感以下計為上計王敦畫三計而錢鳳以下計為上計故敗

郭嘉策魏武十勝袁紹十敗江淹策梁武五勝沈攸之五敗

郭嘉之料孫策也必死匹夫之手裴潛之料劉備也足為一方之主

用間



晉欲伐郭憚舟之僑用荀息計遺之美女而舟之僑去郭遂亡欲伐虞憚宮之竒用荀息計遺之美男而宮之竒去虞遂亡齊襄公賜范睢以金及牛酒也秦繆公待由余以曲席傳器也皆用間也人知此不知彼

### 報仇

楚平王殺伍奢收其二子尚謂胥曰子其行矣我其歸死胥貫弓執矢使者不敢進卒報父仇宋廢帝殺沈慶之收其二子文叔謂文季曰我

能死子能報文季揮刀馳馬收者不敢追亦卒報父仇二事何竒合哉胥與文季後又俱以冤死

以吳伐楚鞭平王尸而報父仇者伍員也以隋伐陳焚武帝尸而報父仇者王頌也頌不及員然其義較員尤正

楚悼王死宗室大臣作亂攻吳起起走之王尸而伏擊起者併中王尸太子立盡詠射吳起而併中王尸者齊大夫刺蘇秦齊王求賊不得秦

且死謂王曰車裂臣以徇于市臣之賊必得矣  
如其言而殺蘇秦者果自出此以死報仇者也  
趙熹報仇值其病不殺俟其愈乃殺之陳綱報  
仇值其醉不殺俟其醒乃殺之義哉

賢媛

叔魚之生也其母視之知其必以賄死楊食我  
之生也叔向之母聞其號也知其必滅宗宋元  
兗劭之生也母哀后見其貌知其必破國亡家  
曾母以殺彘給其子曾子曰嬰兒非與戲也遂

烹彘孟母以殺猪給其子既而曰是教之不信  
也遂買隣猪肉啖之

王章任至京兆尹妻戒以知止弗聽也竟死王  
鳳王經仕至二千石母戒以知止弗聽也竟死  
司馬昭丈夫見乃下婦人哉

陳嬰母曰素貧賤卒富貴不祥鄧元起母曰貧  
賤家兒忽得富貴詐可久保嬰從母言而陳氏  
寧元起不念母言而死于獄

王珪母李見其子之友房杜也曰汝貴不疑矣

潘孟陽母劉見其子之同列也曰皆汝之儔不足憂矣不知其人視其友

子寄鮪責而還之者孟仁陶侃母也仁即宗哭竹生筍者

秦竇滔妻蘇作迴文詩八百四十字唐范陽盧毋王撰天寶迴文詩八百十二字高適有為東平薛太守進王氏瑞詩表

誅其夫者柳下惠妻也張愈妻蒲氏也妓以節死者青娥于趙嘏段東美于薛宜僚

眀于張建封楊倡于嶺南帥長沙娼于秦少游李姝于同州節度韓香于葉氏子他以情死者姑不錄



